

UMK bantu tingkat kesedaran jaga alam sekitar

JELI- Tahap kesedaran terhadap kepentingan menjaga alam sekitar yang masih perlu ditingkatkan dalam kalangan masyarakat mendorong Universiti Malaysia Kelantan (UMK) Kampus Jeli mengambil tanggungjawab membantu merealisasikan usaha berkenaan.

Penasihat Program Kelestarian Alam Sekitar “Community role on river health” UMK Kampus Jeli dan Sungai Rual, Dr Noor Janatun Naim Jemali berkata, sebagai salah sebuah institusi pengajian tinggi di sini, pihaknya terpenggal untuk sama-sama membantu memainkan peranan agar masyarakat faham dengan jelas kepentingan memiliki alam sekitar yang bersih dan terjaga.

“Ia satu dorongan untuk meningkatkan kesedaran masyarakat tentang kepentingan menjaga alam sekitar terutama sungai yang menjadi punca air utama.

“Dalam masa sama kita cuba menyemarakkan perkongsian ilmu antara agensi luar dan institusi pengajian tinggi,” katanya kepada Sinar Harian di sini.

Menurutnya, program dengan kerjasama Global Environment Centre (GEC) itu antara lain untuk mendedahkan kepada pelajar bahawa ada pihak tertentu yang begitu mengambil berat tentang alam sekitar dan boleh dirujuk oleh masyarakat.



Noor Janatun (depan, empat kiri) bersama peserta program Kelestarian Alam Sekitar sebelum sesi ceramah dilakukan wakil GEC.

“Kita nak kenalkan mereka dengan GEC iaitu sebuah NGO alam sekitar yang berperanan untuk memberi kesedaran kepada rakyat,” katanya.

Noor Janatun Naim berkata, pihaknya yakin ramai yang mungkin tidak mendapat maklumat tentang kewujudan NGO khas berkenaan sebelum ini.

“Selepas ini mungkin orang ramai boleh rujuk GEC jika inginkan maklumat atau mempunyai kemusykilan berhubung alam sekitar,” katanya.

Beliau berkata, melalui program ini juga pihaknya cuba menjalin kerjasama dalam menjalankan ak-

tiviti yang memberi manfaat kepada semua pihak.

“Secara tak langsung kita boleh kenalkan GEC dan UMK dengan masyarakat luar,” katanya.

Dalam pada itu, Noor Janatun Naim berkata, program dirasmikan Timbalan Dekan (Penyelidikan dan Inovasi Fakulti Sains Bumi, Dr Mohamad Faiz Mohd Amin itu disertai 80 peserta dari UMK dan Sekolah Kebangsaan Jeli 1.

“Peserta diberikan pendedahan secara teori melalui ceramah disampaikan wakil GEC, Norazrin Mamat dan praktikal (gotong-royong membersihkan Sungai Rual) yang dikendalikan urusetia dari UMK,” katanya.